



Synfocity = 703

mail us at : mzsynfo@gmail.com; mizoramynod@gmail.com - Phone - 2314648

September 20, 2018

□ Delhi Mizo Presbyterian Church West

Kum 2007 ațanga mumal taka Delhi khawpui khawthlang lama inkhawm thin 'Mizo Christian Fellowship' chuan Kohhran-a awm duhin 'Presbyterian Kohhran' -a luh an rel a. An duhna te Delhi Kohhran (DMPC)-ah thlenin, Delhi Kohhran hruaitute nen pawh tum engemawzat an inkawm a, an dinhmunte ngun taka zirchian a nih hnuah Synod Officers' Meeting (O.M) hnenah thlen a ni ta a. Synod O.M-in ngun taka a ngaihtuah hnuah Branch Church-a hawn rem tiin, Sept. 16 (Pathianni) khan Delhi Mizo Presbyterian Church-West chu Delhi Pastor Bial vawngtu Pastor David Lalramliana Ralte-in a hawng ta a ni.

Kum 2005 daih tawh ațang khan he Mizo Christian Fellowship (MCF) hi a lo inmung tawh a, Zo hnahtlak dang-Lai, Zomi leh Hmar te anga pawl din te pawh an rel a. An remchan dan angin Pathianni chawhnuah te an inkhawm ve tan a, kum 2007-ah hruaitute inthlangin, mumal takin an inkhawm chho ve ta a. Kohhran serh leh sang tih dawnin Mizoram Synod hnuai mi, Delhi Mission Field Secretary leh Pastor remchangte an pun thin a. Mumal zawka Kohhran inrelbawlina hnuai awm duhin an Annual General Body Meeting-in an Fellowship chu thiata Presbyterian Kohhran-a luh hi an rel ta a ni.

DMPC-West Kohhran (Branch Church)-ah hian member 170 vel awm tura chhūt a ni a. Mizoram lam angin a huam tur chin sawi mai theih a ni lo va. Tuna inkhawm mekte bakah pawh a remchan dan angin hunin a la hril zel mai tura ngaih a ni. Mizoram leh hmundang ațanga Delhi West lama Mizo rawn awm/pem reng reng ten an belh turin Delhi West Kohhran hi din a ni. Delhi Mizo Presbyterian Church Bial hnuai ah Kohhran puitling la ni chiah lo mah se, Kohhran pahnih Delhi Kohhran (DMPC) leh Delhi West Kohhran (DMPC-West) a awm ve dawn ta a ni.

DMPC-West Branch Church Hruaitute:

Chairman	: Upa R.Lalropuia
V/Chairman	: Pu Hrangauchhunga
Secretary	: Pu F.Lalremruata
A/Secretary	: Pu Lalchhũnga
Fin. Secretary	: Pu Lalhminghlua
Treasurer Tualchhung	: Pu Lalchhanchhuaha
Treasurer Synod sum	: Pu C.Lawmkima

Bialtu Pastor David Lalramliana Ralte bākah DMPC atangin Rev R.Lalrosiama Committee-ah hian a tel bawk.

□ Synfo Praise On 2018

Sept.18 & 19, 2018 chhung khan Synfo buatsaih Praise On 2018 chu Mission Veng Kohhran Hall-ah tluang taka neih a ni. Intihsiakna ni khatna hi chawhma dar 10:00 ah tan niin Synod Senior Executive Secretary Rev. Lalramliana Pachuau-in hunserh a hmang a, intihsiakna neih zui nghal a ni. A ni khatnaah hian Band 26 an inlan thei a ni. A ni nhinna hi nilaini zing dar 10:00 ah tan leh a ni a, Synfo Committee member leh Khatla Pastor Bial vawng mektu Rev. Rualthankhuma'n hunserh a hmang a, intihsiakna neih zui lehngal a ni a. Ruahman angin Hruaina Eng channel-ah live-a pek chhuah a ni. First round-ah hian tel tura hming pe 61 ațangin 55 an inlan thei a ni. Result hi Sept. 21, 2018 (Zirtawpni) zan dar 8:30-ah Synfo Studio ațangin Hruaina Eng Channel-ah puan a ni ang.

□ Synod Mission Centre Building

Sept. 19, 2018 (Nilaini) khan Synod Mission Centre building, Lunglei Salem Venga sak chu Synod Moderator Rev. F. Lalrinnunga'n Pathian hnenah hlanin a hawng. Centre hawna inkhawm tawi neihah hian Aizawl ațangin Moderator bakah hian Synod Mission Board Secretary Rev. K. Lalrinmawia leh Ramthar Board Committee member Upa C. Lalngakliana te an kal a. Lunglei ațangin Administrative Seceretary Rev. RC. Lalngakliana leh Chhim Working Comtt. Member te, Chhim Comtt. Member te, Chhim lam bialtu Pastor-te leh Pro. Pastor-te, Synod Office Lunglei staff te, thawktu hrang hrangte leh Presbyterian Choir Member te an kal bawk a ni.

Synod Mission Centre building hi kum 2007 khan SEC chuan SMB kutah neitu nihna a hlan a, kum 2008 ațang khan Rs. 40,00,000/- senga bul tan a ni a. Building design-tu hi Pu Samuel Lalfana, architech niin building sak nan hian avaiin Rs. 3,30,00,000/- (nuai zathum sawmthum) hman ral a ni. He buildingah hian Conference Hall changtlung tak, Kohhran, NGO te leh Sorkar pawhin a hman (hire) theih tur a awm a, Hnam dang pual Biak In leh Masihi Sangati Pastor quarters leh Synod hnuai thawktu hrang hrangte chenna a awm bawk a ni.

□ Education

PES Supervisor of Schools Pu P.C Vanlalhruaia chuan kar hmasa ațangin PES hnuai school hrang hrang- Zuangtui, Zemabawk North, Armed Veng South, Salem Veng, Tanhril, Luangmual, Tuikual leh Hlimen te tlawhin hun a hmang a, Zirtirtute leh Zirlaite nen inkawmhona hun tha tak an hmang a ni.

Contd..

❑ **Synod Mission Board**

♦ Sept. 8 & 9, 2018 khan Assam Mission Field Joint Pastorate Meeting wawi 8-na, Satribari Kohhranah neih a ni a. Inkhawmpuiah hian mi 600 vel an kal a. Biak In chhungah pawh leng lovin Biak In Varanda leh pawnah te mi tha hnem tak an thu a ni. Joint Pastorate Meeting hmasa ber hi Satribari Kohhranah tho hian kum 2011 khan neih a lo ni tawh a, chumi tum chuan member 675 chauh an la ni a, tunah chuan member 1,186 an tling tawh a ni. Rawngbawltute leh kohhran member ten inkhawmpui hi an thlahlelin an hlut hle a, mahse a hmunhma-in duh anga a zawh thin loh avangin kal duh zawng zawng pawh an kal theih loh phah fo thin a ni. Tun tumah hian mikhual riaklut hi 446 an ni a, inkhawmpui chhung hian ringthar baptisma chang pakhat an nei a ni.

♦ Sept. 22 - 29, 2018 chhung hian Karbi Anglong Mission Field-a Mission School hrang hrangte tlawhin Pu T. Lalchuangliana, Mission School Supervisor of Schools a kal.

❑ **MSSU**

♦ Sept. 22 & 23, 2018 hian Ruantlang Bialah Sunday School Zirtirtu training neih a ni dawn a, Rev. P.C Pachhunga, Executive Secretary, Upa Lalhahluna Ralte, MSSU Asst. Coordinator leh Upa R. Lalhmingthanga, MSSU trainer te an kal ang a, inrinni zan atangin Bial chhung Kohhran hrang hrangah hun an hmang nghal ang.

♦ Sept. 22, 2018 (Inrinni) hian Sumsuih Bialah Sunday School Zirtirtu training neih a ni dawn a, MSSU Asst. Coordinator Pu John Lalhrualtuanga leh trainer te Upa Lalhmachhuana, Tuikual North leh Upa F. Lalenghluna, Ramhlun Vengthar te an kal ang.

❑ **Synod Social Front**

Sept. 21, 2018 (Zirtawpni) hian Synod Rescue Home Rising Day wawi 31-na chu Synod Rescue Home Chapel, Durtlangah neih a ni dawn. Rising Day Programme hi Rev. R. Vanlalngbaka, Director, Synod Rescue Home a kaihruai ang a, Pu R. Lalnuntluanga, Coordinator, Social Front leh Pu K. Lalchhanhima, Social Worker, Rescue Home ten report an pe ang a. Pi K. Vanlalrawni, Secretary, Social Welfare Deptt., Govt. Of Mizoram hnen atangin Rescue Home Day Address ngaihthlak a ni bawk ang. Zaithiam Ni. Lalrinmawii, Durtlang Leitan, Synod Mission Choir leh Rescue Home Group zaipawl ten Pathian fakna hla an sa bawk ang.

❑ **Revival Deptt.**

Sept. 11 - 15, 2018 chhung khan Synod Revival Camping Centre, Neibawihah Camping neih a ni a, Speaker Lalhriatkima, Kraws Hnehna Puangtu Team a ni. Camp-a lut zawng zawng hi mipa 68 leh hmeichhia 10, an vaiin 78 an ni a, engemaw harsatna thil avanga camp awm tluan thei lo an awm bawk. Camp-ah hian Kohhran hrang hrang leh veng hrang hrang 24 atangin an lut a ni. Camp chhunga mawhphurhna hrang hrang hi Zonuam Pastor Bial ten an buaipui a ni.

❑ **FG&CC**

Sept. 22 & 23, 2018 hian Champhai Bethel Bialah Kristian Chhungkaw Campaign neiin hun an hmang dawn a, Campaigner te - Rev. Dr. H. Vanlalruata, Rev. Vanlalmuanpuia Khiangte, Rev. Vanroluaha, Upa H. Lalhlithanga leh Pi B. Bualchhumi te an kal ang.

❑ **Zin**

♦ Sept. 18 & 19, 2018 khan Lungleiah Chhim Bial Committee meeting-in Rev. Lalramliana Pachuau, Senior Executive Secretary a kal.

♦ Sept. 21 & 22, 2018 hian Silchar-ah Barak Area Committee meeting nei turin Rev. Lalramliana Pachuau, Senior Executive Secretary, Upa R. Dengzikpuia, Synod Secretary (Sr.), Rev. K. Lalrinmawia, Secretary Mission Board leh BEC Member-te Rev. T.C Laltlanzova, Rev. H. Laltlanthanga, Rev. K. Lalthangmawia leh Upa J. Lalhluma te an kal ang.

❑ **Hruaina Eng TV Programme**

Susamachar Prasaran Programme

♦ **SEPTEMBER 23, 2018 (Pathianni) 5:00 pm. :**

Group/Choir/Solo : Sihphir Masihi Sangati - Kruspar, Group/Choir/Solo : Chanmari West - Yesu Mere, Sermon : Rev Vanlalbela - Isu Jevan Data He, Group/Choir/Solo : Soni Lalnunsangi - Ashantima, Group/Choir/Solo : Hmingtea Tochhawng - A nugra ha kari

♦ **SEPTEMBER 23, 2018 (Tv Programme) @ 4:00 - 6:00, 8:00 - 9:00 p.m) :**

Weekly Round Up, Praise On 2018

❑ **Moderator Programme**

Sept. 21, 2018	Zirtawpni		Barak Area Committee	Silchar
Sept. 22, 2018	Inrinni	Zan	Zemabawk West Kohhran	Zemabawk Bial
Sept. 23, 2018	Pathianni	Chawhnu	Zemabawk Vengthar Kohhran	Zemabawk Bial
Sept. 23, 2018	Pathianni	Zan	Zemabawk Kohhran	Zemabawk Bial